

220250

III

Mag. St. C.

1882. III. 64.

Decisio Rotae Romanae. - Leopoliën.
Cănonicatus Georgii de Meliorucius.

1719.

Feet. 6487.

Leopolien. Canonicatus.

120250 6784

V Acato nupèr Canonicatu Metropolitana Ecclesiæ Leopoliensis, cuius collatio, & prouisio ad Sedem Apostolicam pertinebat, placuit Sanctissimo de eodem prouidere D. Equitem Georgium de Meliorucijs in Petrella Vvientzlavvski, Diocesis Cracouiensis, Nobilem, Canonicum Chelmensem, Philosophiæ Doctore, & vtriusq; Iuris laurea decoratum; Cumque contra ipsum rumor increuerit exceptionum, & obstaculorum in executione Bullarum, & Pontificiæ gratiæ ex defectu antiquæ Nobilitatis Polonæ, consaltus extiti ego infra scriptus, vt circa hanc controuersiam meos sensus pro veritate exponerem, & in eiusdem veritatis obsequium, eam Sententiam amplectendam esse censui, quod nempe dicto Prouiso Apostolico executio Bullarum, & Canonicatus possessio, nequaquam impediri valeat, non obstantibus Constitutione Apostolica san: mem: Leonis X., & illius confirmatoria, & declaratoria san: mem: Pauli III., ac alijs exceptionibus, singularitèr in illarum confutatione recensendis.

In præfata Constitutione, ac literis Apostolicis san: mem: Leonis X. relatis per extensum in opere, cuius titulus = *Ius Regni Poloniae* = Auctore D. Nicolao Zalaszwowski fol. 892. tom. 1. sub Dat. Romæ apud S. Petrum anno 1515. pridie Kal. Augusti sancitu legitur, quod Canonicatus Præbendæ, & Dignitates in Metropolitana, & Præmuntiali Ecclesia Gnesnensi, ac in quatuor eius Suffraganeis nimirum, Cracouiensi, Vladislauensi, Posnaniensi, & Plocensi, non nisi illis, qui de nobili genere ex vtroque Parente procreati forent, conferri possent, quatuor dumtaxat Canonicatibus, & Præbendis in singulis Ecclesijs prædictis, exceptis, de quibus etiam non nobiles, quorum tamèn duo in Sacra Theologia, Magistri, & alij duo in vtroque Iure Doctores esse deberent, prouideri possent.

Hanc Constitutionem Leonis X. approbavit, ampliauit, & declarauit Paulus III. per eius literas Apostolicas, relatas per supracitatum Auctorem fol. 896. tom. 1., & datas sub die 16. Octobris 1543., in quibus dictis quatuor Præbendis, & Canonicatibus conferendis etiam Ignobilibus in Sacra tamèn Theologia, vel in vtroque Iure, vt supra, graduatis, addidit quintam Præbendam conferendam, Medicinæ Magistro, & voluit, quod præfata quinque Præbendæ non nisi Ignobilibus, vt supra tamèn graduatis, conferrentur, & essent æquales in redditu, alijsque prærogatiuis cœteris Præbendis, & Canonicatibus Nobilibus.

In istis autèm Pontificijs Constitutionibus nullum constitui posse exceptionis fundamentum, ad impediendam executionem literarum Apostolicarum fauore dicti D. Prouisi, clarè liquet ex eo, quod eadem Constitutiones Apostolicæ restrictæ, & limitatæ leguntur ad



solas Metropolitanam, & Primatiale Ecclesiam Gnesnen., & illius Suffraganeas Cracouien., Vladislauien., Pofnamien., & Plocen., unde ad Metropolitanam Ecclesiam Leopoliensem, de cuius Canonicatu nunc agitur, extendi nequeunt, etiam si admittamus in illa concursum earumdem rationum, & motiuorum, ex quibus supra relati Pontifices ad præfatas Constitutiones deueniunt; nam in istis non datur extensio de casu ad casum, & de vna Ecclesia ad aliam, etiam si concurreret æqualitas, imò maioritas rationis, quia sunt gratiæ speciales, strictè, & ad limites concessionis sumendæ, & restringendæ, nedum quia adimunt Summo Pontifici liberam, & absolutam Beneficiorum dispositionem ad fauorem illius, & illorum, quos ex personalium virtutum, & meritorum præcellentia, gratificandos fore censeret, verum etiam quia sunt correctoriæ Iuris communis, iuxta quod in collatione præferunt Beneficiorum, & Christi Domini Patrimonij distributione, non tam considerari debet nobilitas Sanguinis, quam morum præcellentia, ac scientia, & virtus, quæ nobilitati generis præferenda est *Hermosill. ad leg. partit. prol. tom. 1. gloss. 3. fol. 15.*, *Paul. Rubeus in discurs. ad studiosos omnes num. 117.*, & *seqq.*, & *num. 282.*, & *seqq. in principio part. 4. tom. 2. decis. recent.*; Illa enim nobilitas, quæ à suis Maioribus procedit, est præsumptiua, illa verò, quæ ex propria virtute ortum habet, est certa *Ansald. conf. 138. per tot.*, *Mascard. de probat. volum. 1. conclus. 1098.*, *Viuian. commun. opin. 197. per tot.*, *Paul. Christin. decis. Belgic. decis. 226. per tot. volum. 1.*, & *decis. 5. volum. 5.*, & *ad leg. municipal. tit. 5. art. 1. num. 11.*

Et sanè apud Deum absque Personarum, & generis acceptione summa nobilitas est, clarum esse virtutibus *Tiraquell. de nobilitat. cap. 4. num. 12.*, vbi transcribit aurea verba Diui Hieronymi, quæ hic pariter transcribenda censui, ibi = *Ille clarus, ille sublimis, ille sit nobilis, ille tunc integram nobilitatem suam se seruare putet, si dedignetur seruire vitijs, ab eisque non superari*, = & paulò inferiùs = *Nulli te umquàm de generis nobilitate preponas, neque obscuriores quoque humiliore loco natos, te inferiores putes. Nescit religio nostra personas accipere, nec conditiones Hominum, sed animos suscipit singulorum; seruum, & nobilem de moribus pronunciat. Sola apud Deum libertas est, non seruire peccatis; summa apud Deum nobilitas est clarum esse virtutibus. Quid apud Deum in Viris nobiliùs Petro, qui Piscator, & Pàuper fuit? &c.*

Et hanc eandem præcellentiam nobilitatis, proprijs virtutibus comparatæ, semper anteponendæ nobilitati ex maiorum gestis, & opinione promananti, agnouit etiam glor. mem. Sigismundus Poloniæ Rex in eius Regio Diplomate fauore Doctorum, & Lectorum in Alma Vniuersitate Cracouiensi, dato de anno 1535, & relato per præfatum *D. Nicolaum Zalaszwski in allegato eius opere = Ius Regni Polonia = dicto tom. 1. fol. 579.*, in quo statuit, vt præfati

Doctores, & Lectores, licet ex ignobilibus Parentibus orti, quas vis dignitates, munera, & officia tam spiritualia, quam secularia, siue senatoria, siue equestria, assequi valerent, addita ratione per hæc verba = *Satiùs enim est, gestis proprijs florere, quàm maiorum opinione vi, nec maior nobilitas est, ea, quæ proprijs virtutibus comparatur &c.*

Ex his autem assequimur, quod præfatæ Apostolicæ Constitutiones san: mem: Leonis X., & Pauli III., nedùm tamquàm restrictiue, liberae, & absolutæ dispositionis Beneficiorum, quam Summus Pontifex habet, sed etiam correctoriæ Iuris communis, iuxta quod sine personarum, & graduum acceptione, in Ecclesia Dei merita vniuscuiusque æquali lance ponderanda, & retribuenda sunt, strictè accipiendæ veniunt ad nudam literam concessionis, nec vltra Ecclesias in eisdem literis expressas trahendæ *Calderin. consl. 11. sub primo vers. nec obstat de priuilegijs, Paris. consl. 141. num. 15. vers. iterum in huiusmodi dispositione lib. 3., Rot. decis. 645. num. 3., & seqq. part. 3. recent., & alibi passim*, & per consequens cum in illis nulla prorsus fiat mentio de nostra Ecclesia Leopoliensi, non valent aliquem, vel minimum obicem ponere executioni literarum Apostolicarum, & gratiæ Pontificiæ fauore præfati Domini Equitis de Meliorucijs Vyientzlavvski.

Minusquè vis aliqua fieri potest in eo, quod cum in antiquis Constitutionibus Regni æditi de annis 1496. 1505., & 1510. sancitum reperiretur, quod ad Episcopatus, Prælaturas, & Canonicatus nonnisi Nobiles ex utroque Parente procreati, assumerentur, eadem Constitutiones reassumptæ sub Stephano Rege de anno 1676., ac de anno 1607. extensæ fuerint ad Ecclesias Cathedrales Russiæ, & Magni Ducatus Lithuanie, vt refert citatus *Zalaszowski to. 1. à fol. 889. ad fol. 891.*; Quoniam quemadmodum præfatas Constitutiones, & Statuta Apostolicæ confirmationis robore indigere agnouit Sigismundus Rex, & sub certis conditionibus, & legibus confirmari obtinuit quoad suprâ relatas Ecclesias Metropolitanam, & Primatiale Gnesnensem, eiusque Suffraganeas Cracouien., Vladislauen., Posnanien., & Plocen.; Ità pariformitèr in extentione earundem Constitutionum, & Statutorum ad Ecclesias Cathedrales Russiæ, & Magni Ducatus Lithuanie recurrendum erat ad Summum Christi Vicarium, & illius assensus, ac Apostolica confirmatio impetranda.

Quia candidè prò veritate meos sensus aperire velle declaravi, coactus fui, in eiusdem veritatis obsequium, præfatas rationes deducere, licet D. Eques Meliorucius prouisus Apostolicus illis minime adherere intendat, sed potius præ viribus, ac strenuè tueri lura, & prærogatiuas Reuerendissimi Capituli Leopoliensis illiusque D.D. Capitularium, in quorum Albo supremæ dignationi Sanctissimi placuit illum adscribere. Vndè vltro per ipsum admissa ex-

tenfione Bullarum fan. mem. Leonis X., & Pauli III. ad Ecclefiam Leopoliensem, ac Regni Constitutionibus, & Statutis, non dubitat ad ftri&am illorum cenfuram, executionem Bullarum, & Canonicatus poffeffionem fibi deberi.

Etenim tam prafatæ Constitutiones Pontificiæ, quàm Constitutiones, & Statuta Regni exigunt, quod quis fit de nobili genere ex utroque Parente procreatus, & talem fe effe docet dictus prouifus Apoftolicus. Ex authenticis enim, & legitimis Testimonialibus Literis Confalonerij, & Senatus Ciuitatis Caftelli olim Tipherni Tiberini dictæ Patriæ D. Equitis Dominici Mariæ Meliorucij filij bo. me. Comitis Andree, Patris D. Prouifi habetur, illius Familiam, & Profpiciam Melioruciam ex Dynaftis, & Marchionibus Petrellæ intèr antiquiores, & Nobiliores familias eiuſdem Ciuitatis connumerari, illamque ferè ab initio currentis milleſimi ideſt à ſeptingentis circitèr annis Illuſtribus Viris, Sago, & Toga conſpicuis, effloruiſſe, Magiſtratus, ſupremasque Dignitates Eccleſiaſticas, & Sæculares, Legationes, Armorum Præſecturas, Arcium Gubernia, Caſtellanus, Capitaneatus, ceteraque militaria Munia, & Officia in Italia, Germania, & Gallia obtinuiſſe, & exercuiſſe, & Militarium Ordinum Crucibus toties inſignitam, ac varijs Honorum gradibus decoratam fuiſſe.

Præſata Ciuitas Tiferni Tiberini, nunc Ciuitas Caſtelli dicta, in Umbria propè Etruriam eſt ſita, & aliàs in antiqua Etruria comprehenſa, ac intèr celebriores, nobiliores, & antiquiores Italiæ Vrbes connumeratur; Antiquitus tamquàm Reſpublica ſub electiuo capite, & Duce regebatur; in rebus Militaribus, ac Bello potens, & hoſtibus inſuperabilis; deindè ob nimis communes rerum, & temporum viciffitudines, ex quibus potentiffimæ Reſpublicæ, & Dominia, ac Imperia Virium diminutionem, & Status variationem, paſſa fuerunt, ad reſiſtendum Hoſtibus, quibus vndique appetebatur, ſe imparem agnoſcens, ſuauè Iugum Dominiſ Successoris Petri ſuſcepit, & illi ſpontè ſe ſubiecit, vt ex annalium, & Hyſtoricorum lectura deprehenditur.

Ex qualitatibus tam conſpicuæ, antiquæ, & peruetuſtæ Familiæ, è celebri paritèr, & famoſa Ciuitate oriundæ, permotus Sereniſſimus, ac Potentiſſimus Rex Auguſtus II., nunc feliciter regnans, præſatum Dominum Dominicum Mariam Meliorucium Patrem D. Prouifi, qui dulcedine libertatis alle&us, in Poloniam ſe tranſtulerat, ibique ſuum Domicilium firmauerat, & Nobilem Mulierem Polonam Matrimonio ſibi copulauerat, dictum inquàm Dominum Dominicum Mariam Meliorucium cum ſuis deſcendentibus in Comitibus eius ſolemnis Coronationis intèr Nobiles ſui regni adſcripſit, & ad Nobilitatis prærogatiuas admittit, illumque ulterius, ac eius Poſteros, & deſcendentes Equites Ordinis Auræ Crucis creauit, vt ex regio Dyplomate expedito ſub die 16. Septemb. 1697. Dum itaque Prouiſus Apoftolicus ortum habuit Poloniæ, vndè eſt inſign-

signitus qualitate volita in concordatis inter Sedem Apostolicam, & Serenissimam Rempublicam Poloniæ, quod naturalibus Regni, & non exteris, Beneficia conferantur, & nedum est de Nobili genere ex utroque Parente procreatus, prout volunt præfata Constitutiones Apostolicæ Leonis X., & Pauli III., sed multos numerat Avos Atavos, & Progenitores Nobiles, & quidem à septingentis circiter annis, nulli dubium erit, quod in illo superlativè nimis concurrant requisita volita ad assecutionem Canonatus Leopoliensis.

Et in hoc benigna ponderatione dignum credimus, quod tam præfata Pontificiæ Constitutiones, quam Statuta, & Constitutiones Regni, requirunt quidem, quod quis sit de Nobili genere ex utroque Parente procreatus, sed minimè præcipiunt, quod Progenitores, Nobiles Poloni esse debeant, & hoc summo Iure, quia sufficere debet, quod ubicumque Natalia sortiti fuerint, sint nobiles iuxta mores, & leges omnium gentium, nimirum quod eorum nobilitas, & Patriæ claritate, & virtute gentis exulta sit, quo in casu apud omnes homines, & nationes talis nobilitas splendorem, & dignitatem retinet, ut docet *Tiraquell. de Nobilitat. cap. 37. num. 155. versicul. Ex quibus ibi = Ex quibus intelliges eos esse simpliciter atque ubique Nobiles, qui legibus, & Moribus omnium gentium Nobiles dicuntur, ut qui Regibus, aut aliis antiquo, claroque de Nobili sanguine sunt prognati; nulla enim gens est, quæ non hos Nobiles existimet &c. =*, & successivè post num. 156. ibi = *Absoluta autem Nobilitas nunquam loco dimouetur, & ubiis gentium fuerit, semper altis defixa radicibus, arboris hæret, & eandem apud omnes nationes dignitatem habet &c. =* & rursus post pauca = *Illæ verò quæ, & Patriæ claritate, & virtute Gentis exulta est, apud omnes homines splendorem retinebit =* & consonant verba *Mastrill. de Magistrat. lib. 4. cap. 14. num. 55., & seqq.*

In nihilo obstante obiecto forsàn faciendo, quod in Statutis, & Constitutionibus Regni, ac etiã in pactis initis inter S. Regiã Maiestatem, & Serenissimam Rempublicam in eius electione, cautum reperitur, quod illi, qui recentè nobiles creabuntur, ad officia, & beneficia ad tertiam progeniem non admittantur. Quoniam D. Dominicus Maria Meliorucius Pater D. Prouisi, non fuit recentè creatus Nobilis, tamquàm si ex lato infimæ, & abiectæ Plebis, fuisset a Regia potestate ad nobilitatem euectus, & assumptus, sed benè tamquam nobilis ex conspicua, & peruetusta externa Familia, ad prærogativas Indigenatus, & Nobilitatis Poloniæ admissus, ut literis cubitalibus expressit Serenissimus Rex in præfato eius Regio Diplomate, quod est valdè diuersum à noua, & recenti creatione nobilis, ut agnuit Starouolscius in Descriptione Poloniæ sub Verbo Nobilitatis Prærogativa ibi = *Præstabilius autem Nobilem natū esse, quàm creatum, & ad nobilitatis prærogativas admissum &c. =* & alia est Nobili-

bilitas incipiens, alia crescens, & alia perfecta, vt ex *Bald. in l. Nobiliores C. de comm. & Merc.*, docet *Tiraquell. de Nobilit. cap. 19. n. 10.* Vndè loco regulæ exclusiue Nobilium nouitè creatorum ad tertiam generationem, appositæ in prædictis pactis, initis intèr Sacram Regiam Maiestatem, & Serenissimam Rempubicam, relatis per præallegatum *Zalasowski d. to. 1. f. 368. n. 21.*, habet locum exceptio incontinenti apposita ibi = *exceptis ijs qui in exercitu fuerint benemeriti &c. vel ijs, quos ex antiquis externorum familijs ad Indigenatum recipiemus.* =

Eiusdem irrelevantiæ erit exceptio, quod in similibus Nobilium creationibus requiratur præsentia, & consensus Ordinis Senatorij, & Equestris, quodque nobilitandus recommendari debeat à dd. Reipublicæ Ordinibus, & cum eorum assensu ad nobilitatem assumi; Quoniam, vt suprà diximus, nos non sumus in casu nouæ, & recentis creationis Nobilis, sed in declaratione antiquæ conspicuæ, & peruetustæ nobilitatis facta à Rege, Cuius intuitu, & contemplatione ad prærogatiuas Indigenatus, & Nobilitatis Polonæ Profapiam de Meliorucijs admisit, & irrefragabile Testimonium per eius Regium Diploma de agnitione illius Nobilitatis dedit; Vndè cessabat necessitas solemnitatum in noua, & recenti creatione Nobilis requisitarum; Sed nihilominus illas superabundantè intercessisse, constat ex tenore Regij Diplomatis ibi = *Nobis, & Maiestati nostræ Regiæ commendatum &c.* = & paulò inferius ibi = *In præsentia tam Senatorum, quàm Dignitariorum, & Officialium Regni, ac Equestris Ordinis &c. adstantium, huncq; actum inspicientium publicè creauimus &c.* = àc maiori, & specialiori nota, & ponderatione digna, sunt subsequentiæ verba in eodem Regio diplomate apposita ibi = *More antiquorum Nobilium Regni nostri, habiles, & idoneos, omniumque prærogatiuarum, honoris, tituli &c. capacem cum eius Successoribus reddidimus &c.* = Ex quibus quidè verbis omnis adempta remanet difficultas circà capacitatem D. Equitis Georgij Meliorucij, obtinendi beneficia, ad differentiam descendantium à Nobili recentè, & nouitè creato, quibus nonnisi post tertiam generationem ad eadem Beneficia aspirare licet.

Non officit demùm, quod Dominus Eques Dominicus Maria Meliorucius Pater D. Prouisi, post dictam admissionem ad prærogatiuas Indigenarum, & Nobilium Poloniæ, Mercaturam per aliquot annos, mediantibus eius Factoribus, & Ministris exercuerit; Quia in re prænotandum in facto, quod ob nimis notos Regni Poloniæ motus, & acerrimi Belli calamitates, ac assiduas grauantissimas contributiones, timuit dictus Dominus Eques Dominicus Maria, nè eius peruetusta, & conspicua familia honoribus, & prærogatiuis etiam in Regno Poloniæ adaucta in paupertatem redigeretur, ex qua nobilitas ipsa contemptui, ac ludibrio esset, ac manca, & mutila iuxta Sententiam *Tiraquell. de Nobilitat. capit. 25. num. 9.*;

sciebat enim ipse, quod mundi Nobilitas nil aliud est, quàm inue-
teratæ diuitiæ *Tiraquell. citato tractat. cap. 3. num. 8., & 9.,* quod-
que, vt quis Nobilis existimetur vltra Progenitorum virtutem, opu-
lentiâ copulatiuè requiritur ibidem *n. 11.* Vnde ad conseruandas fa-
cultates, & opulentiam vnicum, & præcipuum nobilitatis fundamen-
tum, ad Mercaturæ (non quidem vilis, sed quæ in Anglia Hollan-
dia, Lusitania, Etruria, Ianua, & quàm plurimis Orbis partibus, No-
bilitati non præiudicat *Teste Scominouio l. prima institut. fol. 69.*) re-
fugium se conuertit, illamque durante temporum calamitate
exercuit.

Hoc facto posito, occurritur exceptioni, fundatæ in d. Mercaturæ
exercitio, cum duplici responsione. Prima quod exercitium cuius-
libet artis nobilitati repugnantis, nocet quandiu quis in eo versa-
tur, & non vltra, *Mandel. cons. 43. per tot., Tiraquell. de nobilit. cap.
33., & 35. per tot. Fontanell. dec. 292. pariter per tot.*

Secunda quod quando agitur de nobilitate proueniente à Sanguine,
non amittitur per exercitium alicuius artis per aliquem exercite,
quâ non potest præiudicare nobilitati ab Antecessoribus in poste-
ros deriuatæ *Tiraquell. de Nobilit. cap. 35., Noal. de transmiss. cas. 29.
n. 25., & seq. cum alijs per Rot. dec. 213. n. 10., & seqq. par. 13. rec.,
Vrceol. consult. forens. qu. 55. n. 45., & seqq.* Et quò ad admissionem
ad prerogatiuas Nobilitatis Polonæ ex Regio Dyplomate, cum Rex
necum D. Dominicum Mariam Patrem, verùm etiàm eius Poste-
ros, & descendentes ad illas admiserit, actus populares Patris non
præiudicant filijs *Tiraquell. de Nobilit. d. cap. 35. n. 25.*

Hanc eandem veritatem concursus in D. Prouiso omnium qualitatum
& requisitorum ad obtinendas quascumque Prælaturas Dignitates,
& Canonicatus in quibusuis Cathedralibus, & Collegiatis Regni,
agnouerunt, & testati fuerunt tam piè defunctus Celsissimus Epi-
scopus Cracouiensis, quàm illius Reuerendissimus Suffraganeus in
literis Testimonialibus d. D. Prouiso datis, quod quilibet Ordinarij,
& illius Vices Gerentis Testimonium, summoperè iuuat, ad diri-
piendas exceptiones incapacitatis d. D. Prouisi.

Et ita prò veritate respondendum Censui saluo semper &c.

*Ego Petrus Paulus Quintius V.I.D., ac in Romana Curia, & Sa-
cro Rotæ Auditorio Causarum Patronus.*

Leopolien. Canonicatus!

**In Casu Collationis Canonicatus
eiusdem Metropolitanæ
Leopolien.**

Illmo D. Equiti Georgio de Melioru-
cijs in Petrella VvientzlausKi.

Responsum prò veritate.

✠ Typis Zinghi, & Monaldi 1719. ✠



